



巡按湖廣監察御史李為明
法紀慎刑獄以飭吏治以重民
命事本院按楚一載巡歷將周
叅審各屬重囚招由多係人命
盜賊次之打詐侵欺又次之招
誣反坐為甚乃招情徃徃失真
致煩屢屢駁問推求其故如人

命非委官檢驗之遲延即件作
報傷之不實非原告誣捏之失
真即中証翻覆之變亂或出此
入彼移情就律或揣摩駁意遷
就其詞漫無定論如盜賊非捕
役嚇詐之妄拏即失主認賊之
不的非問官嚴刑之羅織即原
盜挾讎以攀連或砌賊裝誣硬
口血供或戶隣妄首輕信其說
大非辟案總屬始訊欠慎以致
反覆相尋非特卑官糊塗而少
精明即有司初入仕途亦未庸
心以究律例故刑獄煩苛民命
糜爛楚中年年災沴未必不由

於此本院停驂所至細心檢閱
少有矜疑即行踈駁復催速鞫
無負惓惓各官亦多虚心平反
大有昭雪一時刑名頗覺清楚
矣第念楚中吏治玩愒成招率
以年計地里遼濶文移率以月
計衙役姦猾需索乃其日計彼
其候成招駁問者業已九死一
生而當其拷禁苟延者尤多有
皮無骨繼此而往不為明刑勅
法不免仍蹈前軌但念各官案
牘之煩難以搜查吏書見聞之
寡難以講解各家散逸之多難
以類輯支離蔓衍之詞難以刪

除意識議論之偏難以歸一及
閱大中丞新吾呂公先任三晉
憲長時所著風憲約藻鑑衡平
規模振飭大於風紀有裨本院
執觀三楚情形不殊所宜推廣
德意方見善與人同逐章檢其
事體不異確然可行者相應申

告願與諸賢共之合行選纂刊
布以惠三楚為此牌仰萬推官
即便會同徐同知杜推官將本
院發去淑問彙編一書逐一細
加查看中間應添改者添改應
發明者發明其書以風憲約章
為卷一律例辨疑為卷二招擬

體式為卷三檢驗事宜為卷四
聽斷衡鑑為卷五陸續馬上差
人送院覈正轉發刊刻以便申
飭施行庶各官置之座隅朝夕
得以警省而一書檢查翻閱理
法互相發明鼓官而官應扣角
而角應理有自然或有倡之不
從感之不化者世無此事以書
合心頭頭法法相應舉此例彼
事事物物無二起明作而喚良
心猶如影嚮禮樂興而刑罰中
注見和平不惟本院一念及於
蒼赤而各官群策畢集皆大有
造於楚邦矣限一月內具書以

報毋得草率遲延未便湏至牌
者

其地曼濶征發不時至而猾胥
亡命竊相通匿為奸利提檄蒸
仍浸尋多事所從來遠矣



侍御李公奉

特簡按全楚遍歷諸郡邑閱諸具
獄自鬼薪城旦上至虔劉抵者
以數千計公慨然傷此遐疇業



原件短缺

P2

無繇前諭之俾毋扞於罔比覆
獄辭或拘而失情或疑而未竟
或以故深入或有所悟而兩相
格諸種種屬可矜怛者悉為疏
駁減等一時寬科善貸枯者回
骨者肉矣乃公仁心隱慮顧念
元元無已爰出所裒法家書題

曰淑問彙編屬荆郡理校之而
付之剞劂著為式書凡五卷首
風憲約章叅情法也次律例辨
疑慎嫌似也次招擬體式示繩
準也次檢驗事宜重殊死也次
聽斷衡鑑存法戒也不佞受而
卒業則喟然嘆曰古言聽訟務

在得情夫情胡易得也是編也
詳而覈密而辨尹而字慎以聽
訟其得情乎雖然是法也非所
以法也不佞兩侍公讞獄矣獄
囚至庭下傾側法令先後以言
求所以出而不得斯入之雖入
之也音恻慘慘不憚見乎其色諸
側聞公餘論矣夫六律樂有之
刑亦有之豈非以樂之清濁周
疏暨刑之大小輕重各有數存
焉乎其間然一和一肅疑若方
枘圜鑿而不知樂始黃鐘黃鐘
生於復復生於姤由姤而復然
後葭管飛灰元聲攸兆度數炊

繫大禮亦章姤顧不肅殺歟以
復之心行姤之事雖刑亦和奚
病於肅夫子曰人而不仁如禮
樂何禮樂不興刑罰不中明乎
其道之一也詎云德自德而刑
自刑也公之所以求端於天而
錫類於人者意在斯乎意在斯
鄧析之智無容舞奚事斤斤束
濕為執故有是編而士之仕鵠
在民之司命亦在矣詩不云乎
之綱之紀燕及朋友又繼之曰
不解於位民之攸墜猗與公之
公惠天下寧有涯哉

萬曆癸巳九月二十五日

湖廣等處提刑按察司撫民兼
兵備分巡上荆南道副使沈一中
頓首謹書

淑問彙編序

語曰至刑無所用政夫徒政非
政也刑至而無所用政又安所
用德乎夫德亦意焉耳矣意在
為德無論响沫見德即轉而為
刑其不為惜礲可知也周禮秋
官之屬不啻若縷柝矣乃屋誅

明寔靡非不忍傷人之意其縷也所以為德也今天下網稱密矣吏以明察相矜法行不阿亦既勝任矣乃犯者日起而吏持法日益峻竒請他比鍛鍊周至諸所失坐存在有之而楚似尤甚蓋楚俗悍獷喜請張相傾又葱蒨備極訢鬯根之不復陽彊而生道竭矣自非葶收玄冥相繼視剝烏能使云云者各復其根乎是天匪以視剝耦生長乃所以為生長耳人情觸物而流如火傳薪水赴壑燎原稽天之勢必且滔堙雅化炎毀生理不

唐如彊陽已者用設鞭朴鑽笮
刀鋸斧鉞之刑陳原野致市朝
以董振民使舍煩而歸於性猶
復志也愛寄之威威成其愛故
曰以生道殺之又曰唯仁者能
惡人厥旨綿邈矣

中臺季公持節按三湘生民利弊
靡不展錯爬梳而充加意風化
明罰勅法悉根柢於是用輕典
則斬前戒而後有令圖用重典
則斬一創而衆有惕志雖遇大
憖每切哀矜未嘗微觸憤悻惟
是生道之殺仁人之惡三致意
焉而猶懼諸司或二之也乃慕

次淑問彙編五卷首風憲約章
以示其槩次律例辨疑次招擬
體式次檢驗事宜以致其詳又
次聽斷衡鑑以端其楷而隆指
在明無殺無惡之義盡蠲刑名
陋習偕之大道爰付剗劂授建
崑以未簡建崑何能為役哉然
囚頽首伏罪靡有望者知公之
意先乎不忍也昔咎繇作士師
明五刑而其究俾有虞氏從欲
以治四方風動曲士或疑為迂
而不知刑期無刑之意實先之
自公之蒞楚也鄉有約社有學
淑民有範息盜有歌忍氣有歌

日提衡文武庶吏以訓迪其民
民浸淫於訓迪漸移故習用不
犯於有司其猶不率不得已而
懲以刑是編之刺夫亦待夫不
得已之用而期於無用者也士
幸沾一命聽兩造三復於斯設
誠行之即瞞氏之宗不得豪而
乎雖然刑故聖人之所畏也春
葩含日似笑秋葉泫露如泣先
王將刑為之不舉徹樂和與肅
雖同道不並用誠畏之也昔韓
琦文彥博咸戮一桀卒文震怒
問之韓判赴市曹從容平和畧
不變色投筆而人始知於是識

者多韓曰彼自犯法吾何怒之
有夫不怒善矣猶楚越視之聖
人則慘悽怛悼有若艾其一體
而不勝痛楚者匪直不怒已也
斯為無殺無惡至意而政是以
和哉在里革斷宣公之罟曰山
不槎槩澤不伐天魚禁鯤魚獸

長麇麇鳥翼鷖卵蟲舍蜚蠊菴
庶物也宣公箴之使無忘諗師
存曰不如置里革於側之不忘
也嘻庶物猶然矧民耶公鯁鯁
是編以普哀矜志願與三楚共
之亦期長民者無罟民而已披
而閱焉里革常在側而諗之矣

屬下吏湖廣荊州府推官

萬建崑謹撰

淑問彙編

風憲約章

本院奉

九重明命觀風三楚伸理乃其職掌凡訟不得其情
刑不得其當者實為余幸昔孔子論德禮刑政猶
分本末今德禮不敢問設以政道之而民不從即
用殺吾猶忍邇來治世只恃齊之以刑四字耳果
皆道之以政乎以刑齊之而當其罪即用殺吾猶
忍邇來鞠獄只恃嚴加拷掠一法耳果自信無冤
民乎本院屢鞠三楚長嘆覆盆見在者猶可汲汲



昭雪而糜爛獄中者何限每思盡已之心不若俾
人人自盡其心據已之見不若萃人人之見凡可
以補偏救敝起迪倡導者何論人我况岐黃已試
之劑尤中楚中膏盲故摘其切要者刊布之願諸
賢虚心恪守無負本院惓惓

風憲約章目錄

人命

人命屍親

人命即時解任

檢驗法當就屍

獄貴初情

檢驗承委官

致命之處

人命須憑檢驗

數批檢問

昏夜被殺

解道府聽審

屍親遞攔辭

盜情

地方失盜

真盜所招夥盜

鄉約保甲法

賊犯到官須親審

掌印官審盜

失主遮失狀

盜賊招冊

近日治盜

首盜之人

真盜脫逃

窩主

姦情

姦情無証見

強姦不分已未成

上無教化

貧家男女

監禁

囚犯奉有決單

侵欺克軍人犯

有司習故套

監倉二簿

婦人非犯死罪

七十以上老人

監中墻屋破壞

司獄官

反獄

聽訟

民間苦事

勾攝犯人

上司批詞

皂快拘人

吏書騷擾

審賊審力

律有五笞之罪

犯人發驛

發配等於死罪

革前應赦罪犯

用刑

衙門刑具

人身之用

狀式

人命告辜

告盜情

告姦情

告地土

告賭博

告保盜

附錄十戒

喜事

昏庸

惰慢

狡偽

酷暴

枷有三等

夾棍腦箍等

人命告檢

告辯盜

告打詐

告婚姻

告陵奪

木痺

耗蠹

柔邪

調諛

貪鄙

風憲約章目錄終

淑問彙編卷之一

巡按湖廣監察御史李天麟編輯

荊州府推官萬建崑參閱

荊州府同知徐萬仞
承天府推官杜日章校刊

風憲約章

人命

一人命屍親不是父兄伯叔便是弟姪妻子被毆
之日即自解衣服同見証要見被毆之人年若
干歲某月某日某時被某人某人用何亮器毆
打某處見今某處斜傷長若干濶若干某處圓

傷橫若干圍若干青色紅色有腫無腫曾否皮破骨裂某某見証即照狀式告辜仍即搥被毆之人投遞到官官親相驗登記傷痕限以保辜日期責令兇犯尋醫調理案候在官身死之日即照狀式告檢官照辜狀原供傷痕依法檢驗如被毆不告辜限者除登時打死及在三日之內者姑准檢究外其餘死後告人命者俱以假傷騙詐及自毆誣人論不准真正人命其辜限之日係隔月者要查大建小建此生死出入之界不可不慎也

一人命重情即時解任赴檢當場審定即日便具招申如承委官真係有疾及萬不得已事情當即具辭以便別委洗冤條令赴檢不許過兩時具招不許過當日可謂至嚴矣以後委官但批到三日不赴檢檢後五日不具招者官以才力不及註考其赴檢日期亦要詳開以便查覈若提問犯人所在州縣關到當日不拘拘到當日不發者問官即於申呈內明開占恇踈緩緣由庶罪有所歸不致相累

一檢驗法當就屍蓋隔遠提吊緊關干証多畏累

不出往返拘逮日久生奸以致易証鬻和偷屍
 賄件諸弊叢出惟親往臨視衆証自齊奸萌未
 動况環聚觀望者皆知根之人突拏隔審情形
 畢露而衣服狀態一一目擊尤多因此以決疑
 獄者不可不知今後除覆檢外初檢雖窮鄉僻
 谷即時解任赴彼處檢勘不許偷安吊屍雖屍
 格未到不妨用已印鈐簿報填傷痕候屍格到
 日另行補填具申如到彼審屬虛贖竟自無檢
 而返可也

一獄貴初情謂犯事之始智巧未生情實易得數

審之後買免多方機械雜出是矣須知初勘者
 何官果檢驗者掌印正官乎識見精明乎持法
 廉正乎鞫獄虛慎乎則初情乃確案也倘初委
 佐貳首領陰陽省察義民老人才識昏短而群
 小輕忽操守卑污而供招苟且若是而初情寧
 可貴乎故招情不厭反覆要以求當而已成案
 無拘也

一檢驗之時承委官嫌其凶穢皆不近屍或他事
 牽心速求了事而犯人扭鎖跪棚又多不同看
 惟有屍親作喝報屍傷或多增分寸或亂報

色道間有犯人與屍親爭傷檢官竟不經目止
執一筆為件作謄錄耳及再更檢官再更件作
或暗賣屍格約與雷同分寸或意欲輕重多增
疑似傷痕以致兩檢不同每駁四五檢者終始
未能歸一是死者既以挺刃喪命於生前又以
蒸煑分屍於身後冤讎未雪暴露連年則檢官
不慎之罪也以後掌印正官凡遇人命事情須
預先屏居靜室齋戒一二日使心志瑩潔而靈
爽可通神氣克實而臭惡不入然後用薑蒜等
物服同件作人等仔細辨驗寧耽悞他事勿以
人命為兒戲務俾專精一慮萬分周到情節了
然明白此心確然痛快仍嚴責吏件原被干証
取四不扶同甘結附卷庶生死兩不舍冤亦省
後來屢駁屢勘耽延累歲累苦多人耳古人曰
無穢官士檢官其念茲

一有致命之處有致命之傷頂心顛門耳根咽喉
心坎腰眼小腹腎囊此速死之處腦後額角胸
膆背後脇肋此必死之處肉青黯皮破肉綻骨
裂腦出血流此致命之傷致命之傷當速死之
處不得過三日當必死之處不得過十日若當

致命之處而傷輕或極重之傷而非致命之處雖死於限內當推別情不可一槩坐死

一人命須憑檢驗然不可一槩混檢如死於金刃致命祇在傷口驗其傷口即明餘何必問此可以不檢者如死於毆傷拷傷先審原告干証用某物毆某處即於所報處檢驗此亦可以不遍檢者唯多人叢毆或酒醉黑夜難記所毆之處者不得不遍檢然亦宜詳察某痕係致命傷某痕非致命實係今傷某痕係陳迹非傷不可一

槩混報何者人生一世自少至壯或失足磕跌或病疾捶按或生瘡被擊或負重着墜血不流行傷輕與新傷着骨則紅日久或消重傷與久傷着骨則青終身不散試將病死之人細一蒸刷未有全身一副白骨者近日問官全不理會動輒蒸檢檢則動報數十處傷痕或與原詞全不相蒙上司以傷痕不對為駁辭問官增毆打情節為比對刻舟膠柱致多冤情含糊模稜重煩駁案貽禍匪細慎之慎之

一數批檢問非以求同正謂恐有冤抑相與平反耳近日承委官員不以人命為重或恐前官怨

恨不敢異同或因犯者富豪不肯開釋或觀望
上官之批語以為從違或描寫歷來之成案以
了已事如此存心公耶私耶倘有毫髮冤情其
罪重於初審何者獄情不始於我而死刑實成
於我也

天地神明豈無知哉以後委勘人命重事務擇正直
仁厚官員持虛秉公細加鞫審或前官怨我立
異或後官與我不同總付之無心蓋衆官同勘
一事原為此事虛實同勘一人原為此人生死
豈以求媚人求勝人哉此心不克人品可知矣

一昏夜被殺見証無人及屍無下落者只宜案候
密訪不可妄聽執猜鍛鍊成獄近世耻無摘伏
之明多成附會之罪書曰罪疑惟輕又曰寧失
不經夫以臯陶為士安有罪疑不經之人何可
寧失古人猶過慎如此吾人未必過臯陶奈何
必欲牽合羅織以成人之死耶人命至重鬼神
難欺慎之慎之

一解道府聽審多係重情或隆冬盛暑或險路長
途或老幼病人或婦人隻身民間疾苦多少難
言問官發解止摘繫關且如人命正犯一人屍

親一人要緊干証二人或的當一人足矣中間
干連徒罪以下及徒罪以下干証及供明人等
盡數摘發寧家賊情除正犯外只解失主及寄
賊之家其餘別無要緊若人命除正犯屍親外
盜賊除正犯失主外解審過三人者問官才力
可知中間如有情節不盡者招後明白說云除
某人係老病某人係輕罪某人係供明不在緊
關之數相應免解外今將某某等取問罪犯

一屍親遞攔辭除卑幼於尊長湏要根究明白斟
酌准理外其親祖父母之於子孫夫之於妻但
遞攔辭免問者果非致命破損重傷死於當日
不必過於搜求即與准理立案備照其人命事
情屍親若非稚弱又未曾遠出乃不當年告發
而告於一年之外及不係有服之親而旁人訐
告并不係正告事情而繫於切思之下關於粘
單之中者不問虛實俱不許准理如有妄准以
興大獄以擾多人者問官之不肖可知矣

盜情

一地方失盜保甲人等負踈虞之罪應捕快壯人
等懼比較之嚴彼此扶同胡疑妄指即將平人

及曾為竊盜及乞食貧民巧拏怪綁異拷嚴鞫
手執失單逼之招認不合則播楚亂加偶合則
令招夥盜既招則押使同拏仍照前法榜掠致
令展轉相誣甚者授之口詞使之攀咬夫真賊
不苦審固不招承良民受非刑何所不認然則
捕役之言何可據哉以後快壯拏賊除真盜拒
捕曾毆公差許其打傷不罪外其餘止許綁縛
鎖銬到官掌印官先驗傷痕如拷打骨肉有傷
者快壯重懲單役有致命重傷者不分盜之真
假限內身死者許家屬告發定擬償命

一真盜所招夥盜須差應捕訪拏此輩一執紅票
問閩所至驚憂賊未獲則攀其旁親遠族同緝
或誣其妻父母舅窩藏索足財貨酒食仍令遠
近跟捉拋家廢業騷擾多端賊既獲則逼令攀
咬富家寄賊盈其谿壑之求或指授離人同盜
使受猷朴之苦株連蔓引人人自危及事定告
官而昏庸有司私其下役仍罪告人深可痛恨
以後應捕訪知真賊所在即稟所在正官同所
在地方保甲同行捕捉所在官不從致令賊逃
者申究但不許牽累以上無干平民官不嚴禁

致令被害之家赴告得實者掌印官以才力不及叅降

一鄉約保甲法行家家盡在稽查之中雖傭作乞丐之人動靜出入不能欺同約及一甲四隣耳目假使平日為盜即當闔約報官平日善良而被賊攀誣者即當闔約保救要見某人平日本分生理全無非為某家某日失盜本人某日在家如虛同罪甘結到官問官即當存結聽保如後訪得實而本犯脫逃者保人一例重究仍責緝捕惟是同約之人皆是盜賊便無可奈何倘

一鄉不為盜豈容一人為盜而百口保之哉即不敢公訐為賊亦不肯公保真賊矣

一賊犯到官便須親審近見幾處掌印官憚於任事懶於推鞫輒批佐貳首領等官令之摘詞具獄彼官小而不擔當識庸而不精細惟快壯為指揮以夾打為上策况審賊而原捕在旁但聞一語稱冤快壯且喝且稟甚者恨其反覆討出外面從新拷掠具招上堂彼數經殘創已自消魂非係潑耐之人誰敢堅執辯訴掌印官十九抄其原供通詳院道深可痛恨以後掌印官首

不親問只批佐貳者即係極不肖官員無論有
冤無冤以才力不及叅降三次不改者叅寃拏
問

一掌印官審盜惟在隔別細心察其情狀蓋真偽
之情辭色自別虛捏之語辯問則窮我多方以
辯之則掩護之術不及卒備無備之言不及會
同徃復參錯真情自見至於隔別之報盜數同
賊數同期會同事跡同即無賊而盜可知矣或
言人人殊不可驟加嚴刑亦當耐心細鞫或設
法密訪人命之疑獄亦然仁人心苦智者識精

當必自有妙法但問刑謂之審具招謂之詳詳
審二字此聖王治獄之精意也今之訊獄者幸
於此兩字留心焉無以夾棍等酷刑為第一審
法則冤獄必少矣

一失主遞失狀未必一一皆真講張者甚多而貪
冒者居半起賊之時快壯通同有將本人之物
徑指為賊者有比照失狀取一二於典當舖以
作贓者有獲真贓而快壯先搜其細軟入已者
有疑似之物失主記不真而錯認者有明見可
愛之物而妄認者有厭連累之久而妄認一二

賊物殺賊以完已事者有為快壯所逼不得不
認者曾有一寡婦被刦獲盜十人搜賊俱在內
有女鞋一對快壯過寡婦家謂之曰鞋當有樣
從之及縣官審賊寡婦一一俱認問鞋曰我女
之鞋也問大小幾何曰有樣索家中樣比之不
爽毫髮十人者無一語辯臨刑不數日矣而真
盜悉獲真賊悉出十人者乃得釋前賊蓋十人
家物也以後有司審賊不可草率但失主贓物
無記驗者不可輒坐真贓蓋指一物殺一人可
不慎與

一近日盜賊招冊有贓無分毫供稱花費無存者
要見賣與何人須拘何人辨認花費無存四字
豈宜殺人哉至於銀錢雖難辨識若本極貧之
家忽然使用方便要見財物何處得來情自難
掩諺云指贓殺賊如無贓而稱屈寧舍賊可也
一近日治盜有情未真贓未獲而死於杖下者有
供招未具而死於獄中者招中泛稱陸續監故
天道有知人之子不可獨殺今後除情真贓真
詳允奉決者不拘刑死病死聽其領埋外其贓
仗無指及情節可疑而死於獄者許屍親告發

問官即係昏庸酷暴輕者叅呈降黜重則定擬
故勘平人之律决不輕縱

一 首盜之人不可盡信有首夥盜而誣一二讎人
稱為同盜者有本身非盜而受奸人買囑假稱
首盜妄攀平人者問官傾信其言盡拘苦審往
往搜贓不獲死於嚴刑今後首賊但有一人不
真者審有誣陷別情不准出首之律仍問死罪
一 真盜脫逃拏家屬送監蓋其妻子平日享為盜
之利忘勸救之言無首報之舉即使監追亦不
為過至於真盜所報夥賊縱使脫逃原無贓物

亦將家屬送監已欠分曉甚有將父母兄長送
監者古者罪人不孥况尊長乎有將翁婿姑舅
送監者彼且忘其骨肉况疎薄乎此皆殃及無
辜治獄之惡政也以後攀報在官而贓物無指
者但許案候從容訪拏不許將家屬送監即係
真盜不許拏尊屬遠屬送監倘真盜妻子監死
獄中即准抵罪不許更監別屬逼要真賊違者
以酷論

一 世無窩主則盜無潛踪盜無定在而窩主有定
在盜難知而窩主不難知有司肯嚴保甲鄉約

之法或行密訪首許之令但拏真正窩主一名者即於本犯名下追銀五十兩克賞自首改過者免罪以後本州縣窩主別州縣事發者即將窩主所在掌印官以昏庸叅罷

女姦情

一姦情原無証見易誣而難明故律稱非姦所捕獲勿論姦婦有孕罪坐本婦者蓋慎之也以後凡告姦情即本婦招承亦勿唯理安知非本夫逼使騙賴又安知非本婦有所希圖乎且婦女不至有孕即姦亦勿問姦亦所以全婦女之名節而免凌逼之性命為人父母不當如是耶若淫奔在逃及被人捉獲則無詞矣

一強姦不分已成未成致逼婦女自盡身死指証若真法宜坐抵何者強姦已當問絞况因姦致死是二辟也何可輕縱若婦人及年十三歲以上女子姦雖已成而婦女無恙又不聲說則強和皆未可知有情雖和而事發激羞因而變怒者有因他事失好因而拏姦者有因至其室迹不別嫌報讎貪利而誣姦者至於晦夜不識面目而止據音聲衣帽得於竊取而指稱奪獲皆

不可草率坐姦以後問官凡婦女以和姦發覺
激羞自盡或被父母本夫毆打因而自盡身死
者逼非姦夫又無威狀難以因姦威逼致死坐
姦夫之罪蓋和姦之罪兩杖彼姦婦事發逼於
別人姦夫自有應得罪名耳

一上無教化則下無見聞如兄收弟妻弟收兄嫂
及雇工人姦家長妻者於法各死愚民皆不知
也乃有兄弟亡而收其妻謂之就和父母主婚
親戚道喜者世道不明罪豈專在百姓哉凡遇
此等獄情有司自當審處何人主婚有何証驗
仍先將律法徧曉愚民有改正離異者免究勿
聽訐告之言輕成大獄也

一貧家男女易雜小民名節多輕非若士夫之家
嚴內外以遠別有禮義以養心故愚民貧民不
可遽責以聖賢之道凡決此輩姦情不可細拘
文法當有法外之精意焉

監禁

一囚犯奉有決單自當明正典刑是以未決之先
貧者有囚糧病者有醫藥夏則洒掃以防瘟冬
常溫煖以禦寒

聖王豈不知其人之當誅哉以為既有臨時之死且延一日之生故曲加體悉如此耳近日有司踈於治獄有獄卒要索不遂凌虐致死者有讎家買求獄卒設計致死者有夥盜通同獄卒致死首犯以滅口者有獄霸放債逞兇滿監盡其驅使專利坑貧因而致死者有無錢通賄斷其供給有病不報待其垂死而遍病呈或死後而補病呈者倘係情真罪當之囚瘦死猶可中間有抱冤待辯之人株連未結之罪一槩死於獄中所傷天理不細以後獄囚有病先取囚親告治結狀調治不痊後取屍親告領結狀一併粘連申詳院道方准開除無親人者以里長甲首隣佑代之其強盜失迷鄉貫原無親族里長者取刑房吏告治病呈及醫生病案粘申如無以凌霄罪囚論

一侵欺克軍人犯自應監禁追贓然須作速搜勘財產變納無令日久延費如果財盡產絕取兩隣約保不扶甘結申請豁贓發遣蓋罪不至死令徒填獄戶而無益官帑將焉用之其有數多情重例難允豁或身遣而不宥者雖拘家屬代

追祗宜召的當親人保外營辦不許一槩濫禁
徃徃見昏庸有司正犯故而復禁斃其子子故
而復禁斃其父兄若弟姪甚至株連族屬波逮
姻親草菅人命莫此為甚彼疆死者有知寧不
憑依於人以為淫厲况天道好還大可畏也戒
之哉

一有司習於故套拘攝人犯動送監倉不知一人
在禁一家憂忙或有老親而無妻室者或有少
婦而無子姪者或家貧路遠不能供給者或家
有病小或身自抱病者或冬寒而身無綿衣者

或空手枵腹無錢打點牢獄者即使其人當死
亦應曲體其心况於輕小事情豈宜泛繫之獄
為民父母亟宜念茲各該府衛州縣衙門除死
罪及克軍擺站人犯及入官還官贓物俱應收
禁追比外其有力徒罪及杖一百以下贖決等
犯止令干証保領聽其寧家轉辦限期完納雖
係院司各道紙贖俱不許倉拘正犯及濫將家
屬監追違者列之下考致有獄死者以酷刑參
究罷斥

一監倉二簿只宜掌印官一本其佐貳首領官應

送監倉犯人俱要稟白堂上同簿附名掌印官
每遇票日便將二簿查閱一遍某人某日監倉
有無得所應否釋放何以處分徃見一縣令懶
於問辭輕於聽信拘到人犯皂快稟收監倉即
收監倉佐貳首領各有監倉簿籍要收監倉即
送監倉甚者監倉皆滿而送之冷舖者有燈節
醉爭至除日猶繫獄者緣二簿經年不一過目
吏卒因循不肯稟白甚者催比錢糧花戶坐倉
以數百不知令何人轉辦也吁可恨哉賢有司
試一思之

一婦人非犯死罪切無繫獄非犯姦情及不孝
出為舅姑夫男所訟切勿拘喚蓋男女有別廉
耻為重皂快一拘婦人無窮之利婦人一入公
門無限之辱拘摸戲狎無所不至有因之而喪
名節者居官誰無婦女豈應獨忽民情至於死
罪婦人徃徃為獄中吏卒所占此寀難防須時
時密察而重懲之

一七十以上老人十五以下小兒及身有疾病家
有新喪者不係勘合及重犯不許輒送監倉
一監中墻屋破壞有司即申呈合于上司估計脩

海陽彙編 卷之一 十七
理仍須蓋病房一處凡遇一囚瘟疾即送病房
調理毋令傳染

一司獄官刑房吏禁子等役不稟白掌印官而擅
打監倉人犯者拏問重治

一反獄越獄惟強盜為然而夜防尤要近日有司
常不下監牢頭禁卒日久情熟安常心急夜間
囚犯既不入柵床又不上鎖鑊彼賊無一年生
理心懷百計脫逃虎兇出柵非掌印官之過與
若使手足不得利便精力不得壯強出不測而
夜查監牢遇一踈而重懲典守時刻兢兢豈有
反獄越獄之變哉以後但有踈虞有司定照條
格重究

聽訟

一民間苦事莫甚於株連健訟刁民徃徃一詞牽
告三二十人報讎網利中間緊關犯証十無二
三此等奸頑豈宜聽信各掌印官凡遇受詞日
期俱要當堂審問無干者即與勾除毋得一槩
發房出票累苦小民

一勾攝犯人動差皂快此庸吏之套習實小民之
大殃也近日革弊愛民之官多用原告自拘夫

兩讎相見勢必起爭妄稱抗違以激官怒亦有
添差地方保伍同拘者此是換名之皂快需求
凌霄與皂快同至於原告係是婦人自拘猶為
不便若止以原狀或紅票付告人令其遞與干
証干証持之呼喚被告約會同來果係冤誣聽
從被告訴狀至日同理則干証者事內之人畢
竟不免到官彼若有所需求自是有人買囑亦
不恃勾攝之勢矣是閭閻省一皂快之害而公
堂餘一差遣之人也賢者試一思之

一上司批詞果係徒罪以上方許差人勾攝凡公
差勾攝徃反百里者不得限過三日若第五日
不投到者計日加責仍問犯人有無需索凌霄
或用十數手牌上書公差有無需索凌霄七字
其有無二字令犯人自填聽審之時執進庶限
近不得久行吞噬防嚴不得大肆貪殘即不能
盡革奸弊然省一分一分受賜省一人一人免
害矣

一皂快拘人到城引領相識飯店任意破費酒食
招包娼婦心滿意足纔來投到有司未即問理
或令各討保人或令原差押帶甚者掛搭輪押

經年累月放趙甲而留錢乙賣正犯而拘家屬種種擾民皆問官惰慢之罪以後詞訟無論難易但本日投到者本日即問雖忙不得過二日其狀內情節罪名預為料理一問之後即時畫供當堂分付某人應徒幾年某人應杖幾十審力有無填寫印票無干之人當即釋放無力者除係上司批問候詳發落外若係自理亦即杖釋如遇三月不結問官以才力不及註考

一吏書騷擾科索全憑牌票有司硃押牌票多不經心彼或乘忙倦之時或當微暖之會便將一

二百張口稱未完前件用印判日中間言語重

輕任其亂寫事體緩急任其報票紅單一出打

點即來遂意則將票停閣不足則再三寫催有

司信實何曾查其事曾催幾次某票有無回銷

裁監司騷擾郡邑守令騷擾問閻此居其半掌

印官將一切前件到日分急中緩三等為三袖

摺責令該房自限其事何日可完即註摺上難

完者許其稟官易完者照限督催分別既明方

准出票有司每日看摺勾銷前件一事完即勾

一事違限者計日加責是官斧而吏鑿也彼且

辦事之不暇而何暇愚我以行私哉

一凡審賊審力先看犯人力量如果力量不堪干証不肯保押者多係貧難棍徒入官給主之賊不宜多坐仍不宜逼認有力以致追迫太苦前件難完上下俱不便也

一律有五笞之罪世豈無犯笞之人近日問官全不引用笞律只用不應得為而為又只用事理重者至於下不合二字全不照管律條如鬪毆傍人則曰不合不行勸阻徒夫在逃則曰不合鎖押乞食招如此類甚多皆是律外生法科索無罪以後律條無罪而妄下不合字樣及有應得罪名輒用不應得為而為事理重者不分批詞自理俱以違

制濫科先拏承行吏書問官另議

一犯人發驛原為工作如京師炒鐵運炭之類近日恐其逃走止令押鎖乞食甚失本意以後徒罪人等有做一切官工者官給飯食一日准一日有情願驛中奔走効勞者與做工同申准原批衙門折限滿日釋放

一發配名輕於克軍而實等於死罪彼慣奸積猾

或買免驛吏或挾制驛丞或尋情囑託公然在
家覓人點站不待言矣其窮苦老疾及家中無
供之人乞食不前坐卧濕地或官吏要索橫肆
凌虐至於傷命只報相埋情甚可恨近日問官
有因誣告人杖罪加三等而入於徒者誣告死
罪未決何以加焉此泥於法而不達於理者其
官之才識可知驛官如遇病囚即申州縣調理
或掌印官驗明姑令保放調養或收入州縣調
養病痊照日補役但有不呈州縣而報死者該
驛官吏以凌虐致死提問罷斥果係別情者定

擬抵罪

一革前應赦罪犯被人告發者或財物當給主或
地宅當還人依律處斷重加責治可矣近見各
衙門徃徃以萬曆十年以前事犯擬罪而吏犯
赦前過名依舊降格甚悖

明詔問刑衙門不可不知

用刑

一衙門刑具載在律條其數有六笞杖訊枷扭鑊
無論笞杖即訊亦號為極重矣大頭止徑四分
五釐其用止於重罪不服其法止於臀腿分受

至於笞杖止加於臀而已不及腿也近日各衙門用重大竹篦不去稜節聽從惡卒任責腿彎多者三五十或內潰割肉或筋傷殘廢此惟法司懲創極惡大奸百一用之郡邑職在牧民常刑當如是耶但竹篦通行已久不能遽革以肆奸頑亦當分為輕重三等每板臀腿分受十板以上兩腿分受何處非肌膚何肌膚不痛楚而必欲殘民以逞其如不係極惡大奸萬民所恨而仍前槩用重大及數多加力又叢於一處擅及於腿彎者無問曾否傷人定以酷刑參罷

一枷有三等死罪 一不過二十五斤徒犯二十斤杖十五斤夫枷非令負重止書罪名於上號令示衆而已故曰枷死至於一百斤一百二十斤大枷於例雖有用亦不常今後各府州縣百斤重枷不得輕用應枷號者照律置為三等不許一槩輒用大枷違者以違

制論

一入身之用手居其九若懼有疎虞大鑊嚴鎖牢絆兩足可矣至於木杻惟死罪男子始用克軍以下例不械其兩手念人情之便也婦人雖死

罪不扭謂飲食便溺不可托之他人重男女之別也以後各有司衙門非犯死罪男子不得一槩用扭以傷

朝廷體悉人情至意

一夾棍腦箍拶指攢板原非應有刑具近日問官有心不精細性不耐煩者盜不分強竊人命不分真偽一入衙門只靠夾拶酷烈之狀不可盡述以後衆証明白事情端的而展轉不肯招承者間用此等刑具夾不得過一次敲不得過三十拶指不得對兩頭夾拶不得過二時腦箍不許用如違不分有無傷人定以酷刑署考情重者叅究拏問

狀式

揭帖粘單除鄉約保甲公報外其餘俱不許准行以滋擾害

古者以金矢聽辭皆懸式於象魏不者有誅惡無情也適刁風日甚狀中叙事僅數語而形容彼罪張大我冤常居十六冀駭聞易受耳不知波及蔓引則無辜者為殃此多贖之藉而小民之憂也今定為式各衙門一體遵行倘違式濫准官可知矣

凡各府州縣受詞衙門責令代書人等俱照後式

填寫如不合式者將代書人重責枷號所告不許准理

人命告辜式

不許多報一處不許妄增一分違者看明重究路遠告辜不得過五日

本縣某里某人為毆傷事有某父伯叔姪兄弟妻子年若干

歲本月某日某時與某人為某事多不過四字相爭

被某執拏磚石金刃他物或用拳脚將某父伯叔姪兄弟妻子頂心打

有斜傷一處青色紅色長若干濶若干耳根打有圓

傷一處青色紅色骨破圍若干橫若干見今着床不食某

人某人見証為此擡扶到官伏乞相看案候保

辜責令本犯尋醫調治上告

人命告檢式

某月某日某時某處某人為人命事某月某日某

被某人毆打傷重某醫調治不痊至某日某

時身死除傷痕已經報官案候外伏乞檢驗施

行上告

告盜情伏式

不許多開一物不許多報盜違者重究仍不准理

某州某縣某人為盜情事某月某日某更時分不知

名強盜約有幾名各持兇器或打或開房暗偷

某物某物若干或打或開房暗偷

某物某物若干或打或開房暗偷

某物某物若干或打或開房暗偷

不知去向乞候嚴拏上告

某府州縣某人為辯冤事某平日作何生理

某事不與見獲賊犯某人有讎某人某

某日某夜某實在某處何幹其具

某戒禁如何盜况某見在某鄉約保甲官

批本約查訪平日果否非為容其保救庶不至

死黑獄上告

告姦情狀式

某府某縣某人為姦情事財娶到某婦某氏或

某名年若干歲被某人誘姦日久拐帶財物

強姦不從見打割某處傷痕或強姦已成見扯

破何衣奪下何物氏喊叫何人聽証或不堪羞

忿某日某時身死某人某人証上告

告打詐狀式

某府州縣某人為打詐事某月日某人某人指稱

盜情將某拏住指何情由用何兇器在於某處

拷打見有某傷詐去財物若干某人某人証上

告

告地土狀式

田宅同賣過十年者不准

某府某縣人某人為地土事某年月同中某人某

人買到某人_田地若干價錢若干_未已經過割被

某人侵占自量得幾十幾畝幾分幾釐隣佑某

人某人証上告

告婚姻狀式 割襟換帽原無聘禮者不准

某府某縣某人為婚姻事某年月日同媒某人將

第幾男某人用財禮或聘禮若干定某人第幾

女小名為妻一向_{未曾行禮}至某月日不行知

會用某人某人為媒改定與某人為妻_{未曾}成

婚上告

告賭博狀式

某府某縣某人為賭博事某月日某人某人幫其

弟好陸續贏去錢若干物若干賣房地若干其

人開場見奪攤場某物上告

告陵奪狀式 孤幼被人陵奪同此式

某府某縣某人為陵奪事氏某年月喪夫_{有子女無子女}

遺下_{房若干地若干頭畜若}情願守節被某_伯

兄上門打幾次罵幾次奪賣某物又將氏暗許

某人強來逼取某人某人証上告

告保盜狀式 不在鄉約保甲者即係奸民犯盜不准保救

某府某縣鄉約保甲隣佑某人等共幾百幾十幾

人為冤枉事本約幾甲某人平日作何生理本
分善良並無非為等事委因與某有讎或係快
壯某人詐財唆咬伏乞審明保候倘有徇情懼
惡妄保真贓者事發某等同罪脫逃某等訪拏
結狀情願入招粘卷所保是實上告

附錄十戒

一 朝廷設官本以我從民非強民從我故曰從欲以
治又曰同民心而出治道惟是糧差不能從其
逋負奸暴不能從其橫恣本業不能從其惰慢
風俗不能從其薄惡如斯而已至於一切舉動
須先謀及士夫謀及閭閻必衆謂當為然後脩
舉必衆謂當革然後改圖又權利害之大小念
興廢之始終若意雖愛民而不合人情拂衆以
始禍心實為善而不諳事勢妄動以擾民或信
堪輿禍福輒興不急土木罔恤從事之勞或因
一二詭隱便欲槩縣清均又滋無窮之弊諸如
此類不可殫述雖於品格無虧實於生民有損
是曰喜事之吏

朝廷張官置吏凡以安民故擇一守而付之郡則無憂於一郡擇一令而付之邑則無憂於一邑誠謂作養賢才選擇廉幹足以分吾憂而慰民望耳且環郡邑士民無貴賤小大婦人孺子皆稱之曰父母祖父母謂其子孫我也為有司者果能有一腔不忍人真真實實底熱心腸視彼小民知癢知疼如兒如女刑民若加諸身費民如出諸已見饑寒困苦者酸鼻痛心如自家子孫失所見昏愚兇悍者撫膺頓足如自家子弟顛蒙汲汲皇皇既有此美意豈思夜想何患無

良法書云心誠求之不中不遠吾輩才即有德不短於婦人民間事即難知不難於赤子特恐無此心爾近日有司愛民者固多亦有見百姓困窮盲爾全不動色聞民間抑鬱衰然了不關心所謂君民一體好惡同情者豈徒恭然事於民上而已哉是曰木痺之吏

一政體主於寬厚政令全要嚴明故君子之德風坐於一堂而四境之內善良氣伸奸暴股慄四境之外盜不入疆民皆復業者風之謂也今吏之貪鄙者姑無論即有存長厚之心鞭朴不事



原件短缺

P30

嚴狷介之守苞直不通豈不仁庶君子哉然而
吏書為奸弊端叢出皂快肆電詐索公行指
者拷掠徧於閭閻行暴者毆奪橫於市井割
滿路鷄犬不寧嗚呼盈庭農桑盡廢彼如木
在堂既不能為柔良出一寬氣人不教為奸
發一惡聲堂下誼譁無復一毫之懼案邊撥
不殊衆楚之咻郡邑安用此人為式人曰昏庸
之吏

一近日民窮財盡百姓但存皮骨尙軫饑寒困苦
之念自無豪華愉快之心彼浮夸者酒席欲其

少州
少州
少州

一官員除授不於本鄉豈不念夫馬勞費道路奔
馳曠廢時日哉回以為踈薄隔遠之人無鄉曲
故舊之雅得以冷面公心易於奉法耳為有司
者上可以對天日下可以信士民然後為正大
公平之政今也大戶等重差火夫等雜役濫免
多免盡加派於窮民夫馬等私恩賑貸等實惠
私與私求盡便宜士人豪猾催科寬士夫之包占
聽斷受貴達之囑托甚者以勢力之大小為曲
直以人情之炎涼為出入使柔良抱冤貧賤負
屈藉法市恩難俾人心之服徇情報怨益傷天

理之公汝顧忌以保官民抑鬱而受誣豈容於
堯舜之世哉是曰柔邪之吏

一郡縣之政非為國則為民監司於郡縣無非賢
以為國為民之事其實心實政有司上之所責
成正彼之所欲自盡者也見合則意氣相孚共
求底績見不合則反覆呈請務俾宜民彼粉飾
彌縫者則不然文移隨故套申呈意念不及簿
籍任吏書填造耳目不經操持本有玷也而報
十一羨餘以明廉政一爭本不脩也而借三五條
陳以塞責謂萬民作嘔不足以當一二者之失

權也惟於津要傾心即怨聲載道豈能徹於

九重謂一意忠誠不足以致當事者之見悅也惟於
聲華極意即實政不脩誰曾綜核一事眉端粧
束文采燦然可觀口語安排應對犁然可聽公
差人一至庭除無不厚結面生者入其關市戒
勿容留甚者偽開政蹟令父老達之監司嚴守
街衢禁諸人不許建白日夜苦心積慮全與百
姓無干下民怒不敢言上官稱不虛口

朝廷安賴此人為哉是曰狡偽之吏

一士君子生天地間七尺之軀等於二大六合之



原件短缺

P33

事任於兩肩須有正大骨襟勁直骨力禮節所
在不亢亦不足恭議論所及不激亦不詭隨此
非以千名犯分敖物陵人持已之道當如是耳
若奔走以為恭奉承以取悅觀眉睫為應對不
顧是非探意指為從違惟徇喜怒鑽刺勢利門
墻開創污辱徑竇富貴利達豈不坐致而品格
最卑卑矣是曰調諛之吏

一自教化陵夷頑悍成俗衣食缺乏姦盜滋多此
不獨百姓之罪也故為民父母之道不曰樂只
則曰豈弟不曰慈衆則曰親民蓋雷霆霜雪在
甚者叔帚亦抽何殊白奪蓋眈眈入目而事事
垂涎有不屑道者是曰貪鄙之吏
茲十吏者上負

朝廷下殃黎庶政之大蠹也本院刺刺以淑問望
有司而政之不道刑於何齊爰并錄此蠹政者
以相戒約不然清議在下三尺在上誰得而庇
之夫先煩刑書也已安能刑人

淑問彙編卷之一終

淑問彙編

律例辨疑

夫水明燭鬚眉大匠取則其體能照能平者也而
物之借照取平者歸焉律例於政猶水乎物生而
有象象而有滋滋而有數而物情變遷不啻與數
俱滋乃數百餘條之文靡不澈見差次等衰各稱
其物無毫髮軒輕照與平之體備矣有司弄船槩
時物態政體或尠留意一旦批導其中欲自解於
操刀使割之謂是之不務而又焉從事顧文約事
該辭顯旨隱訓釋紛綸甲子乙盾久矣讀者眩瞶

而莫知所從也本院特為擴撫衆家折衷疑義存
其確論時為發明使迎眸易曉嘉與諸司習之庶
幾律例旨意而平照用行妍媸輕重靡隱靡忒共
成寧一之治本院行且藉手以酌

聖天子所為任使至意豈不與有榮施哉噫嘻命實
攸關教實攸弼星霜沴癘實攸召昏明死生災祥
之故也而可曰三辟興於叔世如弁髦而因以蔽
之乎辟以止辟止止之道一焉耳

